

An Chomhairle um Oideachas
Gaeltachta & Gaelscolaíochta



Comórtas oscailte chun Oifigigh Oideachais a
cheapadh

Leabhrán Eolais

Aibreán 2015

Oifigigh Oideachais sa Chomhairle um Oideachas Gaeltachta agus Gaelscolaíochta

1. Na ceapacháin

Bunaíodh an Chomhairle um Oideachas Gaeltachta agus Gaelscolaíochta (COGG) faoi fhorálacha Alt 31 den Acht Oideachais 1998 le comhairle a chur ar an Aire Oideachais agus Scileanna agus ar an gComhairle Náisiúnta Curaclaim agus Measúnachta maidir le teagasc trí Ghaeilge sna bunscoileanna agus sna hiar-bhunscoileanna Gaeltachta agus lán-Ghaeilge agus maidir le teagasc na Gaeilge i scoileanna uile na tíre, chomh maith le soláthar áiseanna teagaisc a comhordú, seirbhísí taca a chur ar fáil agus taighde a sheoladh.

Is mian le COGG beirt Oifigeach Oideachais a cheapadh a thacóidh leis an obair atá ar bun.

Is ar bhonn iasachta a dhéanfar na ceapacháin do thréimhse bliana ar dtús agus d'fhéadfadh tréimhse suas le 5 bliana a bheith i gceist.

Beidh an tOifigeach Oideachais don bhunscolaíocht ag plé le hábhar teagaisc agus foghlama do theagasc na Gaeilge i mbunscoileanna ina bhfuil an Béarla mar mheán, chomh maith le hábhar teagaisc do gach ábhar curaclaim sna bunscoileanna Gaeltachta agus lán-Ghaeilge.

Beidh an tOifigeach Oideachais don iar-bhunscolaíocht ag plé le hábhar teagaisc agus foghlama don Ghaeilge, le béim ar leith ar ghearrchúrsa don tSraith Shóisearach, chomh maith le gach ábhar curaclaim sna hiar-bhunscoileanna Gaeltachta agus lán-Ghaeilge.

Beidh freagrachtaí maidir le seirbhísí taca a chur ar fáil (cúrsaí, ceardlanna agus a leithéid), comhfhreagras leis an bpobal, freastal ar chruinnithe, labhairt thar ceann COGG agus gnáth chúraim riaracháin ar na hoifigigh a cheapfar.

2. Riachtanais

Caithfidh na hiarratasóirí ar fad:

- a bheith cáilithe mar mhúinteoirí
- a bheith cláraithe gan choinníoll leis an gComhairle Mhúinteoireachta
- a bheith fostaithe i scoil aitheanta nó a bheith ar iasacht ó phost i scoil
- ardchaighdeán a bheith acu i labhairt agus i scríobh na Gaeilge

Riachtanais eile

- Eolas cuimsitheach ar chóras oideachais na hÉireann, oideachas Gaeltachta agus lán-Ghaeilge ach go háirithe
- Eolas cuimsitheach ar theagasc na Gaeilge
- Sárscoilanna cumarsáide agus cur i láthair
- Scileanna i dTeicneolaíocht Fhaisnéise agus Chumarsáide (TFC).

Inmhianaithe

- Cáilíocht TEG, Leibhéal B2 Gradam nó níos airde.
- Taithí ar fhorbairt áiseanna teagasc
- Taithí ar theagasc i scoil Ghaeltachta nó/agus lán-Ghaeilge agus i scoil ina bhfuil an Béarla mar mheán.
- Cáilíocht iarchéime ábhartha
- Scileanna agus taithí ar a bheith ag obair le suíomhanna gréasáin agus le meáin dhigiteacha

4. Luach saothair

Seo a leanas scálaí tuarastail an Oifigigh Oideachais:

Ranníocaíocht Pinsin Neamhphearsanta (RPNP)

Beidh feidhm ag an ráta seo i gcás nach gceanglaíonn an dlí ar an té a cheapfar Ranníocaíocht Pinsin Phearsanta a dhéanamh.

€53,984 - € 56,326 - € 58,654 - € 60,963 - € 63,867- €65,000 - € 68,132 - € 71,854 -
€74,880 - € 77,182 (BSF 1)* - € 79,459 (BSF 2)**

Scála Comhtháite Bhóthar Haddington

Beidh feidhm ag an ráta seo i gcás gur státseirbhíseach nó seirbhíseach poiblí é an ceapaí, a earcaíodh an 1 Eanáir 2011 nó dá éis.

€51,110 - €54,426 - €56,789 - €59,246 - €61,701 - €64,128 - €65,000 - €67,729 -
€71,593 - €75,517 - €78,619 - €81,013* - €83,414**
(NMAX) (BSI1) (BSI2)

*Ag deireadh trí bliana de sheirbhís shásúil ag an uaschéim,

**Ag deireadh sé bliana de sheirbhís shásúil ag an uaschéim.

Ceanglaíonn beartas an Rialtais orainn gach post a líonadh ag an gcéad phointe den scála. Ach duine ar bith a cheapfar ar iasacht ón earnáil oideachais agus a bhfuil tuarastal níos airde acu ná an chéad phointe de scála na n-oigifeach oideachais féadfaidh é/í a chur ag pointe oiriúnach ar an scála cuí. Féach go bhfuil liúntais agus a gcur chun feidhme faoi réir athbhreithniú leanúnach ag an Roinn Caiteachais Phoiblí agus Athchóirithe agus d'fhéadfaí iad a athrú. Lena chois sin, d'fhéadfaí an ráta luach saothair a athrú ó am go chéile ar aon dul le beartas pá an Rialtais agus tá an tuarastal faoi réir gach asbhaint reachtúil, lena n-áirítear asbhaintí a bhaineann le pinsean.

6. Saoire bhliantúil

Tríocha lá oibre a bheidh sa liúntas saoire bhliantúil, pro rata d'fhad an chonartha. Liúntas é sin a bheidh faoi réir na ngnáthchoinníollacha maidir le deonú saoire bhliantúil agus atá bunaithe ar sheachtain oibre cúig lá. Ní áireofar air na gnáthlaethanta saoire poiblí.

7. Suíomh

Tá oifig ag COGG ag 35 Cearnóg Mhic Liam, Baile Átha Cliath 2. D'fhéadfaí socrúithe oibre neamhchaighdeánacha a éascú, ar a n-áirítear obair i suíomh oifige gar don bhaile, ach ní ar bhonn lánaimseartha.

8. Comhdheiseanna

Fostóir comhdheiseanna is ea COGG.

9. Eagar an chomórtais

Tá an ceart ag COGG iarratasóirí a **ghearrliostú**.

Cuirfear ríomphost chuig na hiarratasóirí ar an ngearrliosta ar 13 Bealtaine.

Beidh na hagallaimh ar siúl i mBaile Átha Cliath.

Ar bhonn **agallamh iomaíoch** a dhéanfar an roghnú. Beidh an t-agallamh bunaithe ar na hinniúlachtaí a bheidh riachtanach chun dualgais agus freagrachtaí na bpost a chomhlíonadh, faoi mar atá leagtha amach sna liostaí riachtanas do na poist.

Roimh an bpríomhagallamh, beidh triail scríofa Ghaeilge ag leibhéal B2 Gradam den bhFráma Tagartha Eorpach le déanamh ag iarratasóirí (Féach www.teg.ie).

10. Iarratais

Ní mór d'iarratasóirí litir iarratais agus CV (le hainmneacha beirt mholtóirí) a chur ar fáil ag léiriú mar a chomhlíonann siad riachtanais an phoist. Iarrtar go gcuirfí seoladh ríomhphoist agus uimhir ghutháin póca ar fáil leis an iarratas.

11. An dáta druidte

Ní mór an litir iarratais agus an CV a bheith faighte ag poist@cogg.ie ag tráth nach moille ná **4 p.m. Dé Luain 11 Bealtaine 2015**.

Admhófar gach iarratas. Is ceart athrú ar sheoladh poist agus/nó ar sheoladh ríomhphoist a chur in iúl láithreach.

12. Cáilitheacht

Meabhraítear nach ceadmhach d'iarratasóirí cur isteach ar an gcomórtas seo má bhain siad tairbhe as na scéimeanna scoir seirbhís phoiblí leagtha amach thíos.

An Scéim Luathscoir Dreasaíthe (SLSD)

Coinníoll is ea é den Scéim Luathscoir Dreasaíthe, mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin ní ceadmhach don lucht scoir iarratas a dhéanamh ar an bpost seo.

Imlitir na Roinne Oideachais agus Scileanna 7/2010

Tugadh isteach le hImlitir 7/2010 na Roinne Sláinte agus Leanaí Spriocscéimeanna le haghaidh Luathscor Deonach (VER) agus Iomarcaíocht Dheonach (VRS). Coinníoll is ea é den scéim VER nach mbeidh daoine a bhaineann leas as an scéim cáilithe lena n-athfhostú in earnáil na sláinte poiblí ná sa tseirbhís phoiblí i gcoitinne ná i gcomhlacht a mhaoinítear go hiomlán nó go páirteach le hairgead poiblí. Baineann an toirmeasc céanna ar athfhostú leis na scéimeanna iomarcaíochta ach amháin nach mairfidh an toirmeasc ach seacht mbliana, agus go mbeidh athfhostú ina dhiaidh sin faoi réir cheadú an Aire Caiteachais Phoiblí agus Athchóirithe. Níl daoine a bhain leas as aon cheann den dá scéim sin cáilithe le cur isteach ar an gcomórtas seo.

Dearbhú:

Iarrfar ar iarratasóirí dearbhú a thabhairt cibé ar bhain siad leas roimhe seo as scéim luathscoir dreasaithe seirbhís phoiblí. Beidh ar iarratasóirí, leis, dearbhú a thabhairt maidir le haon teidlíocht atá acu ar phinsean Seirbhís Phoiblí (atá á híoc nó á chaomhnú) ó aon fhostaíocht Seirbhís Phoiblí eile agus/nó cibé an bhfuair siad íocaíocht in ionad i dtaca le haon seirbhís in aon fhostaíocht Seirbhís Phoiblí.

13. Rúndacht

Faoi réir fhorálacha an Achta um Shaoráil Faisnéise, 1997, déileálfar le hiarratais faoi rún daingean.

14. Freastal ar agallamh

Faoi na hiarratasóirí a bheidh sé a bheith ar fáil chun agallaimh agus pé socruithe is gá a dhéanamh chun a chinntiú go bhfaighidh siad teachtaireachtaí a sheolfar chucu ag an seoladh r-phoist a shonraítear san iarratas. Ní bheidh COGG freagrach as costais arna dtabhú ag iarratasóirí.

16. Ceisteanna

Féadfaridh ceist ar bith mar gheall ar an bpróiseas nó ar an ról a sheoladh chuig poist@cogg.ie